


KOMMUNIMUT PILERSAARUMMUT TAPILIUSSAQ 2C5-1 Nuussuaq (Sinarsua), Nuuk

Februaari 2018



KOMMUNEQARFIK SERMERSOOQ
Sanarfinermut Avatangiisinullu Ingerlatsivik
Forvaltning for Anlæg og Miljø

Kommunimut pilersaarummut tapiliusseq sunaava?

Kommunimut pilersaarummut tapiliusseq tassaavoq ingerlaavartumik suliarineqartartoq, taamaattumik Pilersaarusiornermut inatsit naapertorlugu (Pilersaarusiorneq aamma nunaminertat atorneqartarnerat pillugit Inatsisartut inatsisaat nr. 17, 17. november 2010-imeersoq) naapertorlugu kommunalbestyrelse pisussaavoq, kommunimut pilersaarut pillugu pisariaqartutigit malinnaatitsissalluni. Taamatut malinnaatitsisarneq isumagineqartuarterpoq kommunimut pilersaarummut allannguutissanik imaluunniit ilanngussassanik pisariaqartunik tapiliussassaqaqtillugu.

Kommunalbestyrelse kommunimut pilersaarummut tapiliussamik nunaminertamik atuinissamut sanaartukkanullu tunngasunik aalajangersagartalimmik taamaalilluni sukkulluunniit suliaqarsinnaatitaavoq. Tamatuma saniatigit Kommunalbestyrelse sukumiisumik aalajangersagartalimmik kommunimut pilersaarummut tapiliortussaataavoq:

- Nuna tamakkerlugu pilersaarusiornerup kommunillu pilersaarusiornerata piviusunngortinnissaanut qulakkeerinissaq pisariaqaraangat.
- Sanaartugassanik imaluunniit sulianut annerusunut pingaaruteqartunulluunniit nunaminertamik atugassiinginnermi.
- Sanaartukkanik anginerusunik pingaaruteqarnerusunilluunniit ingutserilinginnermi.

Kommunimut pilersaarummut tapiliusseq marlunnik immikkoortortaqaqpoq, **nassuiaat** aamma **maleruaqqusanut** tunngasut.

- **Nassuiaammi** kommunimut pilersaarummut tapiliussap siunertaa anguniagaalu, pissutsit immikkoortup iluani eqqaanilu pioreersut nassuiarneqarput.
- **Malittarisassartaani** pilersaarutip piviusunngortinnissaanut atatillugu, aalajangersakkat malinneqarnissaat allassimavoq. Aalajangersakkat pingaarnertut inissillugit allanneqarput aammalu aalajangersakkat sukumiisunngorlugit allanneqarlutik. Aalajangersakkat tamarmik inatsisinut pituttugaapput, taamaattorli pissutsini immikkut ittuni, aalajangersakkanit sukumiisunit immikkut akuersissummik tunniussisoqarsinnaavoq. Tamatuma saniatigit nunap assingi ilanngussat attuumassuteqartut, aalajangersagartaaniipput.

Tamanut nalunaarut

Kommunimut pilersaarummut tapiliusseq 2C5-1 inaarutaasumik atuutilersutut tamanut nalunaarutigineqarpoq ulloq 14.03.2018.

**Kommuneqarfik Sermersooq
Sanarfinermut Avatangiisinullu Ingerlatsivik
Postboks 1005
3900 Nuuk**

Pilersaarut sumi atuarneqarsinnaava?

Pilersaarut Nunatta Atuagaateqarfiani imaluunniit kommunip nittartagaani www.sermersooq.gl-imi atuarneqarsinnaavoq, kommunip innuttaasunut sullissivianut imaluunniit Sanarfinermut Avatangiisinullu Ingerlatsivimmut Kuussuaq 2, 3900 Nuuk saaffiginnillutit pissarsiarisinnaavat, oqarasuaat 36 74 31.

IMARISAI


1	NASSUIAAT	4
	1.1 PILERSAARUSIORFIK	4
	1.2 SIUNERTAA TUNNGAVIILU	5
	1.3 PISSUTSIT ATUUTTUT	5
	1.4 PILERSAARUMMI PINGAARNERIT	5
	1.5 PILERSAARUMMUT TAPILIUSSAP INATSISITIGUT ATUUFFII	6
2	AALAJANGERSAKKAT	7
	2.1 PINGAARNERTUT AALAJANGERSAKKAT	7
	2.2 AALAJANGERSAKKAT SUKUMIISUT	9
3	AKUERSINERMUT UPPERNARSAAT	13
4	ASSI ILANNGUSSAQ	14

1 NASSUIAAT









Una tapiliussaq immuni kommunimut pilersaarummut tapiliussat 37-saat uunga "Nuummur pingaarnertut aqqissuussaq nutaaq"-mut pilersaarummut ilanggunneqarpoq. Kommunip pilersaarutaanut tapiliussani 37-ni nunaminertat tamarmik pilersaarummut Nuuk City Developmentimut (NCD) ilaapput, aamma nunaminertat tunniunneqartut kommunip illoqarfimmik ineriartortitsinermut suliniutaanut toqqaannartumik tunniunneqarlutik. Nunaminertat Kommuneqarfik Sermersuumit imaluunniit Kommuneqarfik Sermersuup toqqaannartumik toqqaannangitsumilluunniit 100 procentimik pigineqartunut ineriartortitsinermut peqatigiiffiusunik atorqeersinnaavoq siunertanut pisortatigoortumik atugassatut siunertanulluunniit namminersortunit atugassatut.

1.1 PILERSAARUSIORFIK

Sumiiffik Nuussuup ilaaniippoq, kujammur arsaattarfik pinnguarterfittaalu killeqarfugalugit, avannamut, kangimut kimmullu inissiat quleriaat ilanggullugit.



Ilisarnaatinut nassuiaatit

 Immikkoortup ilaa pioreersoq	 Inissiaqarfik A	 Nunaminertaq sanaartorfigeqqusaanngitsoq D
 Immikkoortup ilaa nutaaq	 Siliffeqarfik B	 Teknikkikkut atortorissaarutit kiisalu attaveqaatitigut atortorissaarutit E
 Inissiat/illut pioreersut	 Illoqarfiup qeqqa C	

Pioreersunut killigitat immikkoortullu ilaa nutaaq titarnernik aappaluttunik ilisarnaateqarput.

Kommunimut pilersaarummut tapiliussaq, Kommuneqarfik Sermersuumut Kommunimut pilersaarummut 2028-mut ilaavoq taanna pingaarnertut inuussutissarsiornermut siunertaqartunut atugassatut naatsorsuunneqarpoq, qulaani assi takuuk.

Kommunimut pilersaarummut tapiliassaq atorlugu immikkoortup ilaanik nutaamik inissiisoqassaaq, immikkoortullu atuuffia qitiuffinngortinneqassalluni tamanut atuuffiusussaq.

1.2 SIUNERTAA TUNNGAVILU

Kommuneqarfik Sermersuumi nalinginnaasumik kissaatigineqarpoq, meeqqerivimmiit allamut nuuttariaqartarnek killilersimaarniarlugu aamma ininik atortunillu pitsaanagerusunik periarfissiisunik ukioqatigiinngiaanun meeqqeriviliortiternissaq.

Kommunimut pilersaarummut tapiliussaq suliarineqarpoq, meeraaqqerivittalimmik meeqqerivittalimillu ukioqatigiinngiaanun meeqqeriviliornissaq siunertarlugu.

Kommunimut pilersaarummut tapiliussami tunngaviit tassaapput:

- Immikkoortup ilaata qitiusutut atorneqarnissaa aalajangiunniarlugu
- Meeraaqqerivittalimmik meeqqerivittalimillu ukioqatigiinngiaanun meeqqeriviliornissaq periarfissaalersinniarlugu
- Meeqqerivimmut atasumik 1:1-isut annertussusilimmik aneerfissaliorneqassasoq
- Immikkoortoq, pioreersut avatangiisillu eqqarsaatigalugit aalajangiiffigineqassasoq
- Sumiiffimmi najugaqartunut meeqqerivimmiunullu pitsaasunik atorluarsinnaasunillu uninngaartarfiliornissaq qulakkeerneqassasoq
- Saqqaaniit immikkoortumut aqquteqarnissaa qularnaarneqassasoq, assi ilanngussaq 2C5 innersuussutigalugu

1.3 PISSUTSIT ATUUTTUT

Immikkoortup ilaa katillugu 0,4 ha-it missaaniippoq, nunataalu qatsissutsimi 34-miittoq manissukajaajulluni. Sumiiffimmi Nuussuup qiterpasissuani illut eqimatiterput, taannalu kaajallallugu Nuussuaq aqqusineqarluni. Sumiiffik illut eqimasut qeqqaniikkaluartoq sanaartorfiunikuunngilaq.

1.4 PILERSAARUMMI PINGAARNERIT

Immikkoortup ilaa tamanut atugassanngorlugu soorlu atuarfinnut aamma meeraaqqerivittalimmik meeqqerivinnut kommunimut pilersaarummut tapiliussakkut aalajangersarneqarpoq, kiisalu taakkununga atasunik aneerfissalerlugu, sammisassaqartitsivilerlugu timersorfissalerlugulu, biilinut inissiivik il.il.

Sumiiffimmi 1.100 m²-imik tamakkerlugu annertussusilimmik meeraaqqerivittalimmik ukioqatigiinngiaanun nutaamik meeqqeriviliorsinnaaneq

pilersaarutikkut periarfissaatinneqarpoq. Meeqquerivimmut atasumik 1:1 annertussusilimmik aneefissaliorneqassaaq, pinnguartarfik arsartarfillu il.il..

Meeqquerivimmik nutaamik sanatitsisoqassaaq meeqqerivinnut Atuuffissatut pilersaarut sukkulluunniit atuuttussatut Kommuneqarfik Sermersuumit suliarineqartoq naapertorlugu.

1.5 PILERSAARUMMUT TAPILIUSSAP INATSISITIGUT ATUUFFII

Inaarutaasumik inatsisitigut sunniutit

Kommunimut pilersaarutip piviusunngortinneqarnissaanut Kommunalbestyrelse suliniuteqassaaq, tassunga ilanngullugu nunaminertanik atugassiinerni.

(Pilersaarnermut inatsimmi § 29)

Kommunimut pilersaarummut tapiliussap matuma inaarutaasumik akuerineqarnera tamanut nalunaarutigineqareerpat kommunimut pilersaarummut tapiliussamut inatsisitigut piviusumilluunniit akerliusumik pissutsinik pilersitsisoqassanngilaq. *(Pilersaarusiornermut inatsimmi § 30)*

Pisulli ilaanni aalajangersakkanit sukumiisunit nikingasoornernut annikinnerusunut immikkut ittumik akuersissuteqartoqarsinnaasarpoq. Nikingasoornernit pingaarnernit aamma aalajangersakkanit pingaarnernit nikingasoornernit pissutigalugit nutaamik kommunimut pilersaarummut tapiliussaliorneqassaaq. *(Pilersaarusiornermut inatsimmi § 50)*

Nunaminertanik, illunik atortunillu manna tikillugu unioqqutitsinani atuinerit ingerlaannarsinnaapput, akerlianilli illunik atuinerit allanngortinneqarnerat nutaanilluunniit illuliornerit kommunimut pilersaarummut tapiliussamut akerliussanngillat.

Kommunimut pilersaarummut tapiliussap malitsigisaanik imaanngilaq nunaminertat, illut atortulersuutillo pilersaarummi ilaatinneqartut, pilersinneqassasut.



2 AALAJANGERSAKKAT

Matumuuna "Pilersaarusiortarneq nunaminertanillu atuineq pillugit Inatsisartut inatsisaat nr. 17, 17. novembari 2010-meersoq" (Pilersaarusiortarneq pillugu inatsit) kingusinnerusuk allannguutitalik naapertorlugu aalajangersakkat tullinguuttut makku Kommunalbestyrelsimit aalajangersarneqarput.

Aalajangersakkat aalajangersakkanut pingaarnernut aalajangersakkanullu sukumiisunut avitaapput.

Aalajangersakkat tamarmik inatsisinut pituttugaapput, taamaattorli pissutsini immikkut ittuni, aalajangersakkanit sukumiisunit immikkut akuersissummik tunniussisoqarsinnaavoq. Aalajangersakkat pingaarnertit pilersaarummi tunngaviummik tunngaviupput taamaattumillu aalajangersakkanit taakkunanga immikkut ittumik akuersissuteqartoqarsinnaanngilaq.

2.1 PINGAARNERTUT AALAJANGERSAKKAT

MAANNA PINGAARNERTUT AALAJANGERSAKKAT	PINGAARNERTUT AALAJANGERSAKKAT NUTAAT
Immikkoortup ilaata killeqarfilersorneqarnera	
	
1. Siunertaq	
Inissianut siunertat	Nalinginnaasumik atuineq: C – Qitiusoqarfittut siunertanut Immikkut ittumik atuineq: C2 - Ataatsimut siunertarisaq

2. Atorneqarnera	
Immikkoortup inissialiornissamut siunertaqarluni, quleriinnik inissianik sanaartorfittut atorneqarnissaa aalajangerneqarpoq.	Sumiiffik ukioqatigiinngiaanut meeqqeriviliortoqarnissaanut tassa meeraaqqerivittalimmik meeqqerivittalimmillu tassungalu atasunik atortulersuutinik assigisaanillu tamanit atorneqarsinnaasunut siunertanut atugassiaavoq.
3. Sanaartukkat	
Quleriit pingasut angullugit portutigisunik illuliortoqarsinnaavoq. Atuuttut pioreersut allangortiterneqarnerinut allilerneqarnerinullu atatillugu nutaanik sanaartortoqarsinnaavoq.	Quleriit marluk angullugit portutigisunik illuliortoqarsinnaavoq.
4. Inissaqassuseq	
Sumiiffik tamakkiisumik sanaartorfineqarsimavoq inissamik sinnerutsitsisoqarani.	Immikkoortup ilaa 0,4 ha-it missaannik annertussuseqarpoq. Immikkoortoq inissianut 2.000 m ² -imut inissaqarpoq, illuliat inaarutaasumik ilusilersorneqarnerat apeqqutaatillugu. Matuma qulaani sanaartorfissat atorneqareerpata, immikkoortoq tamakkerluni sanaartorfineqareersutut sinneruttunillu inissaqartitsiffiunngitsutut isigineqalissaaq.
5. Eriagisariaqartut	
Sumiiffimmi illoqarfimmi nutarsaasoqarsinnaavoq, ilaatigut illuliat pioreersut isaterneqarnerisigut. Illoqarfimmik nutarsaaneq ataatsimut pilersaarusiornikkut pissaaq.	<i>Immikkut ittunik aalajangersagaqanngilaq</i>
6. Nunaminertat piumasaqaatitaqarfiusut	
Narlorissumik aammalu suluunnartut ilusilimmik mittarfiup tallilerneqarnerani mikkiartornermi qangattalernermilu qaavisa aporfeqanngitsoqarnerisigut mittarfiup eqqaani killeqarfiit aalajangersagartaqartinneqassapput. Immikkoortoq mittarfimmut aporfeqanngitsup ataaniippoq narlorissullu inissisimanerata ilaanut ilaalluni, tassanilu illut nunamiit illuliat nuuata tungaanut 127,5 qaangerlugu sanaartoqqusaanatik aqquserngillu sanaartorneqarnerini 121,5 qaangeqqusaanagu.	Narlorissumik aammalu suluunnartut ilusilimmik mittarfiup tallilerneqarnerani mikkiartornermi qangattalernermilu qaavisa aporfeqanngitsoqarnerisigut mittarfiup eqqaani killeqarfiit aalajangersagartaqartinneqassapput. Immikkoortoq mittarfimmut aporfeqanngitsup ataaniippoq narlorissullu inissisimanerata ilaanut ilaalluni, tassanilu illut nunamiit illuliat nuuata tungaanut 127,5 qaangerlugu sanaartoqqusaanatik aqquserngillu sanaartorneqarnerini 121,5 qaangeqqusaanagu.

7. Aqqusinertigut angallaneq teknikkikkullu pilersuinerit	
Sumiiffik Nuussuarmut aqqusineqarpoq.	Sumiiffik Saqqaanut aqqusineqarpoq.
8. Illoqarfimmik nutarterineq	
<i>Immikkut ittunik aalajangersagaqanngilaq</i>	<i>Immikkut ittunik aalajangersagaqanngilaq</i>
9. Immikkoortukkuutaat	
<i>Immikkut ittunik aalajangersagaqanngilaq</i>	<i>Immikkut ittunik aalajangersagaqanngilaq</i>

2.2 AALAJANGERSAKKAT SUKUMIISUT

Immikkoortoq immikkuualuttumut ataatsimut agguarneqassaaq, assitut ilanngussami takutinneqartutut. Immikkuualuttumut nutaamut, aalajangersakkanik sukumiisunik nutaanik aalajangiisoqassaaq.

Aalajangersakkat sukumiisut assigiinngiiaartunut tunngapput, ilaatigut sanaartornermut nunaminertanullu sanaartorfiunngitsunut tunngassuteqarluni. Immikkut pisoqartillugu, aalajangersakkanik sukumiisunit immikkut akuersissuteqartoqarsinnaavoq.

Immikkuualuttoq 1
1. Inissialiat inissinneqarnerat
<p>Imm. 1: Sanaartukkat inissialiallu nutaat assimi ilanngussami 2C5-mi sanaartorfittut takutinneqartutut inissinneqassapput. Tamanna aamma illunut mikinerusunut soorlu sikkiliisivinnut, sakkuusivinnut, teknikkimut atortuusivinnut/atortulersuutitut assigisaannullu atuuppoq.</p> <p>Imm. 2: Sanaartukkat nutaat 1-2-nik qulereeqarsinnaapput, portunerpaamik 10 meterit angullugit. Teknikkikkut atortulersuutit soorlu silaannarissarfiit, elevatorit assigisaallu portussutsinik killilersuinernut ilaatinneqanngillat.</p>
2. Inissialiat isikkui
<p>Imm. 1: Nutaanik sanaartornerit avatangiisiniittut eqqarsaatigalugit ilusilersorneqarlutillu immikkut akuerineqassapput.</p> <p>Imm. 2: Sanaartorfissani ataasiakkaani illuliat illulioriaaseq, atortussat qalipaattillu eqqarsaatigalugit ataatsimoortutut isikkoqartinneqassapput.</p> <p>Imm. 3: Illuliat – tassunga ilanngullugit quit assigisaallu – atortussat soorlu qisuit, igalaamerngit, eternit, savimerngit, ujaqqat, zink, aluminium, sisak betoniluunniit atorlugit sanaajussapput. Eqqaamiut saneqquasullu eqqarsaatigalugit illut silataasa iigai qinngorneqarlutik inngianartuussanngillat.</p> <p>Imm. 4: Qaliat qaavi minnerpaamik gradinik sisamanik uingatilugit aamma qalissiamik taartumik, zinkimik, kanngussamik, qisunilluunniit qalliuserlugit qaliat qaavisut qorsuusutut ilusilersorneqassapput (issuatsiaanik ivikkanilluunniit) inngiasutsitsissanngillalli. Tamakkunanga ilanngutinngitsuukkat tassaasinnaapput aneerasaartarfiit assigisaallu atortussiat allat atorlugit uinganeqanngitsunillu sananeqarsinnaasut.</p> <p>Imm. 5: Seqerngup qinngornerinik katersuissutit, seqinisaatit assigisaallu illup qaliata iigaataluunniit ilaatut ilanngunneqarsinnaapput aamma eqqaamiunut saneqquasunullu inngiasutsitsissanngillat, imm. 2.3 takuuk.</p>

<p>Imm. 6: Silaannarissarfiit, elevatorit, pujoorfiit assigisaallu illup titartarneqarnerata ilaatut ilanngunneqassapput. Taamaattumik silaannarissarfiit motorii illumi illulluunniit silataanni takussaasumut inissinneqassanngillat.</p> <p>Imm. 7: Allagartarsuit illup ilusaa titartarneqarneralu naapertorlugit ilusilersorneqassapput. Allannerisa angissusaasa 2 m²-it sinnissappassuk ikkussinissamut Kommuneqarfik Sermersuumut qinnuteqaateqartoqassaaq.</p>
<p>3. Aqquserngit aqqusineeqqallu</p>
<p>Imm. 1: Aqqusernit Saqqaanut aqquteqassapput, assi ilanngussaq 2C5 tunngaviusoq takuuk.</p> <p>Imm. 2: Immikkoortut aqqusineeqqallu qanittumiittut atorineqartarnissaat qularnaarneqassaaq. Aqqusineeqqat sapinngisaaq tamaat nunaareersumut naleqqussarneqassapput, taamaattorli tikikkuminarnissaat eqqarsaatigineqassaaq.</p> <p>Imm. 3: Immikkoortumi kommunimut pilersaarummi aalajangersakkat nalinginnaasut naapertorlugit biilinit inissiisarfiliortoqassaaq. Meeqquerivinnut: 50 m²-imut biilimut inissaaq ataaseq. Ataatsimut biilinit unittarfiliornermut tunngatillugu elbiilinit immiisarfissanik nappaasoqarnissaa periarfissaqassaaq. Taamatutaaq sikkilinit inissiivimmik qulisamik naammaginatsumik angissusilimmik pilersitsisoqassaaq.</p> <p>Imm. 4: Aqqusernit aalajangersimasunik titarnilersugaapput (immikkut ittumik killeqarfiliussat), inissialiorfiusut sanaartorfiillu Saqqaanut aqquserngup qeqqaniit 7,5 meterinik qaninnerusumik aqqusernut atalersumut, immikkoortullu ilaanut aqqusernup qeqqanit 7,5 meterinik qaninnerusumut aqquserineqalersunut inissinneqassanngillat.</p>
<p>4. Nunaminertat sanaartorfigineqanngitsut sunngiffimmilu atortulersuutit</p>
<p>Imm. 1: Nunaminertat sanaartorfigineqanngitsut, sammisassanut aamma pinnguartarfittut, arsaaffittut assigisaannillu aneerfissatut inissinneqassapput. Nunaminertat sanaartorfigeqqusaanngitsut uninngatitat sanaartorfigineqarsinnaanngillat, taamaallaalli ingerlatsinermut pisariaqartunik illunut atuuttunut tunngasunik sanaartorfiusinnaapput.</p> <p>Imm. 2: Immikkoortumut atuuttumut tunngassutilimmik aneerfissamik kisitsiliussat tunngavigalugit pilersitsisoqarsinnaavoq:</p> <ul style="list-style-type: none"> • Meeqqerivik assigisaalu: angissusaa tamakkerlugu 100 % <p>Imm. 3: Tamakku seqerngup sammivia uningaartarfiillu pitsaassusii eqqarsaatigalugit aneerfissat inissinneqassapput.</p> <p>Imm. 4: Nunaminertat illuliornernut, aqqusernut, aqqusineeqqanut, biilinit inissiisarfinnut aamma ataatsimoorullugit uninngaartarfinnut atugassiissutigineqarsimanngitsut sanaartorfigineqassanngillat aammalu uninngaartarfinnut pinngortitatut isikkoqartutut atugassiissutigineqassallutik.</p>
<p>5. Teknikkimut atortulersuutit</p>
<p>Imm. 1: Inissialiat nutaat pisortat innaallagissamut imermullu aqquataaannut aamma kuuffissuaataannut attavilerneqassapput.</p> <p>Imm. 2: Imikoq qasertoq qernertorlu tamarmik kuuffissuakkut kuutsinneqassapput. Nunap qaavata ernga kussiamiillu imeq kuuffissuakkoortinneqassanngillat kisiannili illulianut, aqqusernut, aqqusineeqqanut nunaminertanullu sanaartorfigineqanngitsunut eqqaamiorisanut akornutaanngitsumik kuutsinneqassapput.</p>

<p>Imm. 3: Pilersuinermut aqquutit tamarmik nunap iluatigoortinneqassapput. Ledninginik inuup allap allangortiterisinnaanera ledninginik piginnittumut aningaasartuutaassanngilaq aamma tamanna ledninginik piginnittoq aatsaat isumasioqqaarlugu taassumalu innersuussutai malillugit pissaaq.</p> <p>Imm. 4: Immikkoortup ilaanut teknikkikkut atortulersuutit soorlu sakkortusaaviit assigisaalu immikkoortup ilaanut pilersuinermut atortut inissinneqarsinnaapput. Teknikkimut atortulersuut Nukissiorfiit aamma Kommuneqarfik Sermersooq siunersiorlugu aamma atortut takussunarsaataanngitsumik inissinneqassapput.</p>
<p>6. Nunaminertat sanaartorfigineqanngitsut</p>
<p>Imm. 1: Illuliat nutaat sapinngisamik nunaareersumut naleqqussarneqassapput. Teknikkikkut imminut illersorsinnaasumik illuliornissaq eqqarsaatigalugu pisariaqartitsineq taamaallaat naapertorlugu nunamik allannguisoqassaaq.</p> <p>Imm. 2: Assimi ilanngussami 2C5-mi takutinneqartutut sanaartorfinni nunaminertanilu aqqusinernut, biilnut inissiisarfinnut assigisaannullu atorineqartuni pisariaqartinneqartumik nunagissaasoqarsinnaavoq.</p> <p>Imm. 3: Immikkoortup ilaani naasooreersut sapinngisamik paariinnarneqassapput aammalu ajornanngippat inaalinneqassallutik, taamaalillutik sanaartortoqareerpat ilusaattut ilerseqqinneqarsinnaaniassammata.</p> <p>Imm. 4: Immikkoortup ilaa qaartiternerlukunik qaartiterinermi assartuinermiluunniit siamarsimasinnaasunik salinneqassaaq.</p> <p>Imm. 5: Nunaminertat sanaartorfigineqanngitsut saligaatsuutinneqassapput eqqiluutsuutinneqarlutillu. Silami inaalitsisoqqaqusaanngilaq.</p>
<p>7. Eriagisassaq</p>
<p><i>Immikkut ittunik aalajangersagaqanngilaq</i></p>
<p>8. Pinngortitap illersorneqarnissaanik soqutiginninnerit</p>
<p><i>Immikkut ittunik aalajangersagaqanngilaq</i></p>
<p>9. Nunaleraluni nunamik atuinissamik soqutiginninnerit</p>
<p><i>Immikkut ittunik aalajangersagaqanngilaq</i></p>
<p>10. Ataatsimut atortulersuutit</p>
<p>Imm. 1: Immikkoortumi 3.3-mi biilnut inissiisarfiliornissat pillugit aalajangersakkat takukkit.</p> <p>Imm. 2: Immikkoortut 4.1 aamma 4.2. aamma 4.3-mi silami uninngaarfii pillugit aalajangersakkat takukkit.</p>
<p>11. Piginnittut peqatigiiffii</p>
<p><i>Immikkut ittunik aalajangersagaqanngilaq</i></p>
<p>12. Avatangiisunik mingutsitsinermi killissarititaasut</p>
<p>Imm. 1: Immikkoortup ilaani eqqaavinnut eqqakkanut atugassanik inissiiffissanik nunaminertanik inniminniisoqassaaq.</p>

13. Illut nukissiuutinik atuinikitsut*Immikkut ittunik aalajangersagaqanngilaq***14. Atuinissamut piumasaqaatit****Imm. 1:** Imatut pisoqaqqaartinnagu illuliat nutaat iserterfigineqassanngillat:

- immikkoortoq 3 naapertorlugu biilnut inissiisarfeqalerpat.
- immikkoortoq 4 naapertorlugu silami uninngaarfiit pilersinneqareerpata.
- pisortat pilersuutaannut attaviliinerit pereerpata.
- inaarutaasumik nunagissaanerit naammassineqareerpata.

Piffissap sanaartoriusup tamanna ajornartissappagu immikkoortuni taaneqartut Kommuneqarfik Sermersuumik isumaqatigiissuteqartoqareerpata piaarnerpaamik suliarineqassapput.

3 AKUERSINERMUT UPPERNARSAAT

Kommunit pilersaarummut tapiliussaq una 2C5-1 Nuussuaq (Sinarsua), Nuuk, matumuuna
Kommuneqarfik Sermersuup Kommunalbestyrelsanit akuersissutigineqarpoq ulloq 20.02.2018

Kommuneqarfik Sermersooq ulloq 13-2018




Aasi Chemnitz Narup
Borgmesteri



Lars Møller Sørensen
Kommunaldirektøri

Ulloq 14.03.2018 inaarutaasumik atuutilersutut tamanut nalunaarutigineqarpoq.



KOMMUNEQARFIK SERMERSOOQ
Sanarfinermut Avatangiisinullu Ingerlatsivik
Forvaltning for Anlæg og Miljø

Kommunimut pilersaarummut tapiliussaq 2C5-1
Kommuneplantillæg 2C5-1

Ilanngussaq 1, Immikkoortoq 2C5
Bilag 1, Delområde 2C5
Februaari 2018 / Februar 2018
Uutuut 1: 1000 / Mål 1: 1000

A4